

欽定大清會典事例

欽定大清會典事例卷一千二百五

內務府

武備

徵收皮張  
木賊草

徵收毛角  
筋

膠

採買物料

徵收樺

領用金銀絲業  
馬鞍用車

典守

照驗出入

備用

鞞

分給田廬  
俸餉

分給帳房

親隨

鳥槍官兵

給

徵收皮張。○順治初年定馬牛駝皮由馬牛羣

及各莊園交納。鹿麕熊羆豬野豬等皮由尚膳

房移送。象皮由光祿寺移送。均收存備用。○又

定。每年委庫官一人率領催匠人往張家口會

同稅務監督於游牧處倒斃馬駝牛皮內選取

足用。令監督運送至京。○十六年題准。

盛京將軍。每年交送鹿皮一百六十張。麋皮一百

四十張。○十八年題准。每年由戶部支取朝鮮

國青黍皮即斜紋一百五十張。鹿皮五十張。○康

熙七年題准。朝鮮國進貢青黍皮二百八十張。

鹿皮百張。腰刀十口。每年由禮部移送。○十三

年定外藩進貢熏皮。奏明收存內庫。估價給賞。

○十八年題准。

盛京將軍。每年止徵鹿皮百張。○二十五年題准。

青黍皮停止。由戶部支取。武備院自行成造。○

二十六年題准。

盛京佐領每年交送

上用皁皮三十張。官用皁皮七十張。其染造需用五倍子三十斤。由院置買給付。○雍正元年。免朝鮮國進貢青黍皮。○四年。奏准。牛馬皮停止。差官往張家口。交稅務監督會牧廠總管揀選運送至京。○又定。張家口每年額送馬皮二千張。馬駒皮一千張。駝皮百張。牛皮三百張。小牛皮一千五百張。犢皮二百張。○八年。定。馬皮駒皮。駝皮。停止交送。俟應用時行文支取。○乾隆六

年定張家口交送牛皮。每年增五百張。○十一年定。

盛京佐領。每年交送

上用皁皮十五張。官用皁皮停止交送。○又定。染皁需用五倍子。減去十五斤。

徵收毛角筋膠。○順治初年定。每年春秋二季。慶豐司翦取羊毛。並廣儲司所有熟皮羊毛。交送收存。○又定。各莊園牛羣牛角。尚膳房鹿角鹿筋。均隨時交送存庫。○又定。鱈膠。以庫內存儲朽皮。每年熬煮水膠。鹿角膠儘數熬煮。魚鱈

廣膠酌量所用奏請。由戶部支取烏拉打牲人所得鱒魚鯉交送存庫。又定每年差庫官一人率領催匠人往張家口會稅務監督於游牧處剪得羊毛內揀選可用者。今監督運送至京。其寒羊毛羊絨由戶部支取。康熙九年題准游牧廠春秋二季所剪之毛。令其交送付沙河氈作。四十八年奏准寒羊毛羊絨停於戶部支取。寒羊毛交臨清關稅務監督。每年辦三千斤。羊絨交河東鹽政。後裁每年辦千斤運送。三十四年定寒羊毛由山東巡撫辦送。雍正

元年奏准停止河東交送羊絨。遇用時動廣儲司庫銀採買。○四年議准張家口牧廠所翦之毛停止差官辦理。交該稅務監督會馬駝牛羊羣總管揀選運送。○乾隆三年奏准存庫黑白羊毛如不敷用。奏交張家口稅務監督購買交送。○二十六年奏准遇有需用野羊角之處俱改用水牛角。如庫存不敷。行文戶部支取徵收樺皮木賊草。○順治初年定甯古塔將軍每一年一次額交進呈樺皮二百張。

上用樺皮五千張。官用樺皮二萬五千張。暖木皮四

百五十斤。木賊草四百五十斤。由兵部移送。  
又定。

盛京佐領每年額交木賊草五百斤。又定。山海關外莊頭每名歲交茜草五十斤。由會計司移送。乾隆四年奏准。山海關外莊頭額交茜草每斤折銀七分。交廣儲司庫收存。應用茜草。由院委官於廣儲司領銀採買。用過銀數。年終題銷。十年定。每二歲額交樺皮萬張。二十六  
年定。金色桃皮。由管理阿爾泰軍臺每歲採辦連杆九千枝交送。



徵收翅翎。順治初年定雕翎鶴翎。每年打捕戶捕送。由都虞司交送收儲。其鶴翅雉翅雁翅。遇用時行都虞司著捕戶捕送。又定奉宸苑所養孔雀等翎。均隨時交送收儲。蒙古王台吉等進貢鳥翎。由內庫給賞。不足由武備院採買。又定每年奉天將軍等捕送雕鶴等翅。無定數。到日令司矢揀選。分別等第奏

聞折賞。一等虎斑雕。每副賞銀五兩。二等四兩。三等三兩。四等二兩。五等一兩。一等卓雕。每副賞銀七兩。二等五兩。五錢。三等四兩。四等二兩。五錢。

一等芝麻雕。每副賞銀二兩。二等一兩五錢。三等一兩。四等五錢。重尾雕海鶴。不分等第。每副均賞銀五錢。所交虎斑雕海鶴等翅。各如數賞銀外。其芝麻雕阜雕重尾雕應賞之銀。每五錢折給毛青布一疋。督捕虎斑雕之官。每人賞緞二疋。領催每名賞紬一疋。毛青布四疋。捕阜雕芝麻雕重尾雕海鶴之領催。每名賞毛青布四疋。馬甲每名三疋。所賞銀布。均移廣儲司賞給。

○康熙六十年。

盛京佐領捕送雕鶴等翅。分別照例議賞具奏。奉

旨。所議太過。著減半賞給。

採買物料。○康熙四十八年題准。造撒袋。刀鞘。皮樺等項。用羸皮。拴鞣。造鞵。夾板。纏虎槍。用牛皮。及熟皮。硝五倍子。並造箭。青鶴等翎。每年共動用崇文門稅務銀一千兩。採買所餘銀。交廣儲司庫。如不敷用。奏請再取。○雍正四年。奏准採買皮料。箭翎。於原支崇文門稅務銀一千兩內。將五百兩交廣儲司。武備院領五百兩採買應用。如有餘銀。仍交廣儲司。若遇款項繁多之年。本院存項不能敷用。於廣儲司領取應用。仍

將採買物料數目年終奏

聞。○乾隆六年奉

旨。嗣後採買餘銀。若至百兩。交送廣儲司。如不至百兩。著收貯備用。

領用金銀絲葉。

上用什物。錢用金銀葉重一錢五分。官用減五分。儀仗什物如之。賞用鞞勒鐙。錢用銀葉重一錢。鐙雲鐙鑿眼錢重五分。鐙雲釘頭。貼用金葉重二分。修理舊物。

上用者錢用金銀葉重一錢。貼減五分。官用者錢貼

均重五分。其應毀器物。量其廣狹。每長三寸八分。闊二寸六分者。用金銀葉一張。重五分。方二寸五分者。葉重二分。長二尺。闊一分者。用金絲六條。每條重一分。長三尺。闊一分者。用銀絲六條。每條重一分。

典守○順治十二年奏准。各庫鑰匙。交送

內廷收儲。○康熙四年奉

旨。各庫鑰匙。交乾清門直宿侍衛班領。○八年奏准。各庫每日封鎖後。交與護軍參領護軍校等守護。照驗出入。

禁城之外備用器物及由廣儲司領取者均呈堂  
填註領送官員職名行

景運門直班護軍統領照驗並知會稽察內務府  
御史衙門。

領用馬駝○恭遇

聖駕巡幸尚膳尚茶需用運水馬匹憑來文取用數  
目由院具奏。馱載圖頂氈帳房需駝若干具奏  
如之均行兵部領用。本院官乘騎領兵部馬亦  
如之馱載

御用甲冑衣包帷幕射侯需用馬按數奏明行上駟

院領用。○康熙三十六年奉

旨。凡出外。每一駝。著載二百二十斤。○乾隆四年奉准

恭遇

駕幸南苑。隨從擎蓋人。備箭執事人。弓匠等。各給官馬一匹。○二十二年議准。隨圍駝載什物駝隻。永行禁止。越營行走。到彼營時。將所載什物卸。下。令其歇息。即更換豫日先到之駝隻。駝載前。往。○又定。隨圍察哈爾蒙古兵。應騎官馬。亦照。幄人。應得馬匹。官給騎坐。侍衛散秩官。應得官馬。亦各照職銜給予。差畢。遣回游牧處。仍按日。

每人給銀一錢五分。聽其自雇車馬。路費於應  
得一錢三分外。增給七分。其銀由存儲裁汰幄  
人錢糧銀兩內動支。○又定幄人等所領官駝  
十隻內准其倒斃一隻。如額外多斃者。分為十  
成。著落幄人分賠七成。於餉銀內坐扣。察哈爾  
蒙古等分賠三成。其額內倒斃駝隻。均於存儲  
裁汰幄人錢糧銀兩內動支賠補。○又定隨圍  
駝隻。如內地程途在兩三月。及過二三十日之  
後。無水草可牧之處。致形疲瘁。准其按駝每日  
餵豆。其應餵豆石價銀。於存儲裁汰幄人錢糧



銀兩內動支。由院臨期酌量覈計。奏請辦理。○  
四十二年奏准。停止內務府支領裁汰幄人錢糧。其隨圍額內倒斃駝馬與察哈爾官兵應賠倒斃駝價。均免賠補。察哈爾官兵應得馬銀及所增路費隨圍應餵豆石銀兩。俱行文戶部支領。

用車○恭遇

聖駕巡幸。裝載什物。每一車。率七百五十斤。計數若干。由武備院奏明。行內務府。

駕幸暢春園。或

南苑裝載

上用什物車。行兵部裝載官用什物車。行內管領各  
如數領用。○康熙四十二年奉

旨。嗣後行幸暢春園南苑等處。所用兵部車輛。著將所  
載之物若干斤。需用之車若干輛之處。查明具奏。取  
用。僕不及具奏。約數所用之車。取用。至駐蹕查明。補  
行具奏。

領用端罩朝衣。○康熙十三年定。掌蓋均給二  
等侍衛朝衣端罩。司弓司矢均給三等侍衛朝  
衣端罩。行廣儲司支取。如升遷者不令繳還。革

退者行廣儲司追繳。○乾隆四年奏准領用端  
罩朝衣。每年冬季應用之日。行廣儲司領用。用  
訖仍繳還。○十一年定恭遇祭祀朝會。掌蓋擎  
蓋人所服朝衣。行廣儲司領取十分應用。用訖  
繳還。

備用鞵轡。○每歲豫備鞵六十具。以供

賞賜。缺即補造。○公主初生子。彌月。給有架鞵一具。  
憑掌儀司來文給發。

盛京長甯寺僧。每二年。給黑犢皮鞵轡一具。

分給田廬。○沙河司匠給官房十間。筆帖式領

催庫守各給官房六間。氈匠共給官房三百八十八間。今現有房二百十間半。內有頭目二十名。各給官地一畝二分。其餘匠役各給官地一畝。均令新舊交代相承為業。

分給帳房。○原定馬駝牛羊羣蒙古。每四歲給圓頂氈廬各一具。游牧地方馬牛羊羣蒙古。每戶給氈廬各一具。○康熙三十年題准。所給馬駝牛羊羣蒙古圓頂氈廬。改給帳房。間年一換。月給馬乾。○康熙二十三年定。掌蓋司弓等。每月各給整分馬銀。掌蓋人隨侍弓匠。繳蓋應役。

心每月各給半分馬銀。三十年定。司函應役人給半分馬銀。三十九年定。鳴鏑匠長給整分馬銀。四十九年定。幄長二十七人向取官馬往湯山取水。今各令自備馬一匹。每月各給整分馬銀。乾隆七年奏。自康熙二十三年奏准。實隨侍備箭人擎蓋人等馬銀以來。陸續選補人員內。有家道殷實。並曾任稅差之子弟。不給馬銀。是以馬銀額數。至今多寡不勻。請照舊例增給。奉

旨。隨侍備箭執事人著定為半分馬銀。三十分。擎蓋人

著定為半分馬銀二十分。視伊等執事內行走勤。家道艱難。酌量賞給。永著為例。○二十七年奏准。不兼侍衛之八品司矢。照掌蓋等之例。給整分馬銀。○五十年議准。弓箭繖三處人員。每處各賞給官馬四十匹。酌撥拴養。其餽養馬乾銀兩。照八旗拴馬之數。由戶部支領。

給食官飯。○雍正年間定。

圓明園直班之司弓三人。弓匠作長三名。箭匠作長一名。箭匠六名。掌蓋一人。擎蓋五人。應役人四名。鞏庫庫守二人。每日給食侍衛官飯。○又

定司矢三人。隨侍備箭執事人三人。箭匠六名。執事人一名。如成造弓箭等物。每日給食侍衛官飯。完日停止。○又定司幄一人。幄長三人。幄人三十九名。氈庫匠役八名。每日給食執事人官飯一次。○乾隆五年定。司幄幄長。照例給食官飯。其幄人停給官飯。照倉人例。給米菜木柴。止班日停給。

俸餉。○順治年間定。司函由散秩官充補者。食原俸。由護軍充補者。食原餉。由護軍充補之。擎蓋。由馬軍充補之。弓匠幄長。幄人。應役等。人均

食原餉。由閒散人充補者。每月各給銀二兩。各庫庫守司匠領催給銀如之。司帳每月給銀四兩。匠役每月給銀一兩。沙河氈匠每月給米二斛。○康熙二十一年奏准。司帳給七品俸。氈作司匠給八品俸。○二十三年奉

旨。幄長著照護軍給食四兩錢糧。幄人給食三兩錢糧。○三十七年奏准。未入流庫掌。每月各給銀三兩。○三十八年奏准。一等漢箭匠十名。每月各給銀二兩。○三十九年奏准。皮作司匠。每月給銀三兩。○四十年奏准。皮作司匠。給八品俸。○



雍正七年議准。由馬甲充補之弓箭匠幄人應役人。每月各給銀三兩。○乾隆四年奉

旨。嗣後由馬甲選補幄人。給食馬甲錢糧。○二十九年奏准。由內務府三旗挑取之匠役內。揀選工作精巧者。於內務府三旗馬甲內。勻出三十缺。坐補馬甲錢糧。○三十六年奏准。司幄給六品文職俸。令其戴三等侍衛頂翎。副司幄給七品文職俸。令其戴藍翎侍衛頂翎。副長給七品虛銜頂戴。仍食原餉。○四十四年奏准。不兼侍衛之六品掌蓋賞戴藍翎。仍食原俸。六品虛銜之司

弓司矢。賞戴藍翎。俱食七品文職俸。委署掌蓋司弓司矢。俱給八品文職俸。○五十一年奉

旨。備弓箭繖處食二兩錢糧之執事人等。交各該旗遇本佐領管領下有馬甲缺出。即行坐補。○五十二年諭。備弓箭繖處食二兩錢糧之執事人等。皆賞給三兩馬甲錢糧。停止坐補甲缺。

奏銷。○順治初年定。每年將成造用過現存之上乘鞞駕鞞及各甲胄囊鞬槍刀弓箭弓面皮張羊毛氈翎筋鰓等物。彙覈繕黃冊。於次年題銷。馬鞭鞞板。氈鞞鞞籠舊鞞。官鞞。馬鞞。箭鐵鷹鈴。

樺皮。旱牛角。弓胎皮。絃槍杆木。賊草。火鏈包等物。各該庫繕蓋冊。於次年呈結。其各題奏本摺黃冊。送廣儲司收存。○又定。每月將領過廣儲司金銀緞布各項數目及題奏咨呈事件。彙繕二冊。移稽察內務府御史衙門查覈。○雍正五年覆准。每年黃冊定於次年八月題銷。藍冊定於次年九月呈堂。○七年奏准。每年由戶部領用魚鱧等項。於次年四月內題銷。○乾隆五年奏准。圓頂氈帽及黃蓋坐褥等項。每年入黃冊具題。○又定。馬步射射侯氈毬。每年入藍冊具

呈。歲底繕冊。移稽察內務府御史衙門查覈。○  
二十七年奏准。題奏本摺黃冊。送廣儲司銀庫  
收存時。行文交送。以備查考。○二十八年奏准  
各庫定為三年一次派員清查具奏。

親隨烏槍官兵。○康熙三十年議准。設食三兩  
錢糧頭目七名。食二兩錢糧烏槍人三十三名。  
每名各月給馬乾銀一兩五錢。又設食二兩錢  
糧承應奇礮人四名。於

聖駕巡幸時。專司隨侍烏槍。豫備鉛彈鐵砂火藥火  
繩。及試演槍礮。並

南苑打雕。均屬朝鮮佐領管轄。○雍正二年奉

旨。工部所配槍藥。甚是不好。著專簡大臣。監視配造。所需錢糧物料。於工部取用。○又議准。內火藥庫。設食三兩錢糧庫掌二人。食二兩錢糧庫守九名。專司收存。

上用鳥槍。及配合火藥鉛彈鐵砂等事。硝黃麻稽燧麻咨工部。搭連油單皮匣及繆匠咨武備院。燒炭柳枝咨奉宸苑。包袱布袋紙張咨廣儲司。各支取備用。其三旗鳥槍兵丁應交之檄麻綾。由司呈堂轉咨兵部領票。於口外採取。均於年終

奏銷外火藥庫設庫掌四人庫守八名所食錢糧與內火藥庫同專司收造火藥以供內府及八旗兵丁操演試放烏槍之用所需錢糧物料均於工部支取年終奏銷。四年奏准凡庫掌缺於庫守內選補庫守缺於朝鮮佐領下壯丁內選補親隨烏槍頭目缺於烏槍人內選補烏槍人及承應奇礮人缺於三旗各佐領內管領及朝鮮佐領下驍騎壯丁內選補。乾隆三十八年奏准於烏槍頭目庫掌內揀選二人授為六品虛銜總領仍食原餉如能黽勉供職至五

年後保送內務府。以副內管領司庫升用。○四十九年奏准。六品虛銜總領。賞戴六品藍翎。食七品文俸。增設六品虛銜總領二人。仍由烏槍頭目庫掌內揀選補授。○五十一年議准。本處藍翎總領二人。各給拴養官馬二匹。再給官馬十六匹。於烏槍人內揀選差使勤敏者。各給拴養一匹。月需馬乾銀兩。照例給發。

欽定大清會典事例卷一千二百六

內務府

畜牧

馬 駝 用馬 進貢馬 駝 交納馬 駝 汰補馬 駝 廢

馬 駝 支 大 公 差 口 糧 駝 各 廢 馳 麟 薪 炭 京

師 典 牧 官 投 升 轉 餉 游 牧 羣 官 投 升 補 仿

牧 羣 典 牧 官 田 廩 檢 養 馬 匹

禱馬 ○ 順治年間定每年春秋二季擇日為馬

祭

神請

坤寧宮所祭



神祭於

神武門內

神室

謹案行禮儀節詳載祀典

凡二日。正日朝祭以絳帛繫

上乘御馬七十匹。夕祭以青帛送繫大凌河驕馬羣

三十匹。次日朝祭以絳帛送繫大凌河北馬羣

千三百匹。夕祭以青帛送繫大凌河北馬羣二

百七十六匹。○又定

南苑豫備祭

神受福青黑黃花四色馬各十匹

今用白色馬。附於仗馬廄為馬祭

神之正日並祭

堂子亭式殿陳馬十匹於

神前受福

謹案行禮儀節詳載祀典

祭畢送回以綠帛繫殿馬二十

匹此項祭

神受福馬缺額即於大凌河牧羣內選補○乾隆四年

定大凌河馬羣遇祭

神繫絳帛者減定以三十匹為率

謹案大凌河河北馬羣繫帛後改為朝祭繫

二百八十四匹夕祭繫三十匹皆繫青帛

○二十六年奉

旨朕所乘馬拴帛祭祀或照薩滿禮儀或照喇嘛禮儀

查明具奏欽此遵

旨覆奏每年春秋二季在

神武門內

神室為馬致祭。係薩滿行禮。給絳帛繫

上乘御馬奉

旨。為朕所乘馬祭祀。應奏派內務府大臣一員承祭。上駟院卿亦著一人前往。

用馬。○順治年間定。每歲四孟月。

坤寧宮敬

神。各用白馬二匹。由掌儀司咨取。上駟院侍衛牽馬陳於

坤寧宮門外。祭畢。以馬交會計司變價購牲。○又

定

皇子分封初次祭

神薦以馬。婚禮以馬充賞。固倫公主和碩公主下嫁給以馬駝。生子彌月以馬各充賞。均由掌儀司移上駟院如數撥給。○又定分封親王郡王貝勒貝子各給驕馬二百匹。牡馬牝馬六百匹。牡駝牝駝三十隻。驕駝四十隻。分封公給馬二十匹。其各馬駝草豆移會計司撥給一年。○又定皇子女位給駑馬二十匹。以供乘騎。○又定各省駐防將軍副都統總督巡撫提督總兵官及朝

鮮國使臣來京朝覲如遇

特賜馬匹由禮部行上駟院於駕馬內選佳者撥給

○乾隆十八年奉

旨皇子侯娶福晉後給駕馬十匹未娶福晉以前凡有行走將廐內馬通融給予騎坐分例駕馬不必給

進貢馬駝○順治年間定四十九旗蒙古王貝勒貝子公台吉塔布囊喀爾喀額魯特等貢馬駝由理藩院送上駟院行知掌

御馬大臣侍衛奏會上駟院大臣侍衛公同選驗不入選者交理藩院給還入選者分別等次奏

聞收受。收受者行廣儲司折賞。一等馬每匹賞銀一百三十兩。二等一百二十兩。三等七十兩。四等五十兩。五等及朝鮮國馬各三十兩。其未經選受馬有倒斃者。折賞亦如之。每年十一月初一日始。至次年十月三十日止。彙計收受及發還馬駝實數。於歲終覈奏。○又定歸化城兩旗蒙古。每年四季貢馬一百六十三匹。喀爾喀哲布尊丹巴呼圖克圖。每年進貢白馬八匹。白駝一隻。陝西岷州衛二十四寺喇嘛。分為四班。每班開三年進貢一次。均由理藩院奏送上駟院。交

各廢翁秣。○康熙七年定。公主等貢馬二三匹者。收二匹。三匹以上。好馬全收。常馬再收二匹。郡主以下入貢。好馬全收。常馬收一匹。王貝勒貝子公親入貢者。好馬全收。常馬王貝勒再收二匹。貝子公一匹。如皆係常馬。王貝勒收二匹。貝子公一匹。王貝勒等之母福晉母舅等入貢。好馬常馬各收二匹。若遣使入貢。王貝勒收好馬常馬各二匹。貝子公止收好馬。其常馬停收。台吉等所貢馬駝。仍照舊例收取。額魯特喀爾喀貢好馬。上等頭目收二匹。其次台吉等兼貢。

皮張等物。止收馬一匹。其福晉等貢馬。各收一匹。○二十三年奏准。蒙古等貢馬。一等每匹賞銀一百三十兩。二等一百兩。三等五十兩。四等三十兩。五等二十兩。六等十兩。貢駝一等每隻賞銀六十兩。二等五十兩。三等四十兩。四等三十兩。五等二十兩。六等十五兩。○四十二年奉旨。著將北馬千匹。交索倫圍場。每處分給二百匹。設立牧羣。俟生駒。令精於騎射者。騎演馴練。佳者貢進時。照伊等進馬之例。編為等次賞給。○雍正二年奏准。在京大臣侍衛等所進馬內。有堪收者。進馬人



願領賞。照五等馬例折賞。○七年奉

旨。嗣後凡進貢馬。經朕賜名號者。貢馬人賞內庫上用  
緞四疋。著為例。○嘉慶十六年奉

旨。嗣後伊犁每年進馬。除正貢馬五匹外。再進備貢馬  
五匹。將正貢馬照數交上駟院驗收。餘馬幾匹。一併  
交上駟院奏明。候朕降旨指賞。此外不得借貢馬之  
便。私帶一匹。致滋流弊。○又奉

旨。丹巴多爾濟奏稱。烏里雅蘇台將軍等。進到貢馬十  
四匹。備用馬十四匹。塔爾巴哈台參贊大臣等。進到  
貢馬八匹。備用馬八匹。豫備呈覽等語。此次該二處

進到馬匹。著丹巴多爾濟等將烏里雅蘇台將軍等正貢備用馬內。共挑取十四匹。塔爾巴哈台參贊大臣等正貢備用馬內。挑取八匹。豫備呈覽。餘仍發還各該處送馬章京。或在京變價。或帶回本處聽其自便。不許餽送在京大臣官員。如有私餽查出定行懲處。向來伊犁所進馬匹材質倍閑。多充御用之選。嗣後伊犁貢馬。著仍遵前旨。令其正貢五匹。備貢五匹。正貢者賞收。備貢者由上駟院奏明候旨分賞。其烏里雅蘇台塔爾巴哈台等處之馬。僅充下乘。本難供御用。除正貢仍令照數呈進外。其備用馬匹。如一概

交上駟院充賞。實無如許充賞之人。且各處或更於備用之外。再行多備。徒滋繁費。嗣後該二處馬匹正貢外。其備用一項。著即停止。再該將軍等向於奏摺內。將馬匹毛色口齒開單呈覽。各該處道路遙遠。所進貢馬。途次恐有缺乏。是以向有備用一項。此時既經停止。其毛色口齒摺內。毋庸聲敘。如沿途或有疲乏。到京時不足正貢之數。即著送馬章京。將實在馬數及毛色口齒開單呈進。

汰補馬廠。康熙年間定。

南苑六廠

御馬如不足數。於內馬中揀取奏補。有倒斃者。廢長呈報掌。

御馬大臣令直班侍衛及該廄長監視瘞埋。仗馬內有改性不馴者。撥入駑馬廄。如數行大凌河總管選良馬充補。

皇子乘騎之馬有倒斃者。廄長呈報。令廄長監視瘞埋。○十一年奏准。

御馬羣內馬有殘疾者。交商都達布遜諾爾總管處牧養。○四十二年奉

旨。廄內殘疾駑馬。交內務府賞給各司院匠役人等。○

雍正四年奏准。駕車贏廐內有殘疾倒斃者。贏  
移咨戶部。轉交左右翼監督照數買補。馬於各  
廐。駕馬內選補。○七年奉

旨。廐內小馬如不敷用。著交崇文門監督採買送廐。○  
又定。各廐駕馬。及應差巡羣駕馬。均於每年二  
月呈堂。奏委侍衛司官各一人。察覈出入倒斃  
數目。將應補者。咨各游牧羣總管照數撥補。有  
殘疾者。移內務府賞給各司院貧窮匠役。○又  
定。各廐每月三次。將現在馬匹出入殘疾倒斃  
數目。移會計司分給草豆。○乾隆六年奏准。內

馬駕馬有齒老不堪用者。交兩翼稅務監督變價。其殘疾馬匹。照時價稍減變價。銀交廣儲司庫。○又奏准各游牧羣內。如有額外多孳生者。將羣內不拘牝牡驢馬。該總管視其齒老殘疾不堪牧養者。撥出其撥出馬匹。商都達布遜諾爾。交張家口。大凌河。交山海關。各稅務監督變價。銀交廣儲司庫。並咨報上駟院。○七年奏准各廢應撥出變價之馬。於未交兩翼監督以前。如有倒斃者。照變價減半。每匹銀一兩。著該廢長廢副賠補。其銀交廣儲司庫。○又奏准達里

岡愛駝羣有齒老殘疾者。該處水草甚好。仍留  
牧養。尚可孳生。毋庸選撥外。其商都達布遜諾  
爾駟駝羣內齒老殘疾者。照馬變價之例。將齒  
老者照時價。殘疾者稍減其值。均交殺虎口稅  
務監督變價。銀交廣儲司庫。○又奏准。大凌河  
牧羣。每年撥出變價之馬。即就近交奉天府牛  
馬稅務監督。如遇撥出馬匹。為數過多。即分交  
山海關。令兩處稅務監督變價。○十五年奏准。  
凡隨圍回京之馬匹。有齒老殘疾者。照每年各  
廢撥出。發崇文門監督變價例行。○十七年奏

准。每年二月。上駟院卿一人。按視各廄馬。停其奏遣侍衛司官。○三十七年奏准。駕車贏如有殘傷倒斃者。行左右翼監督。於文到日起限一月買補應用。○嘉慶六年奏准。內養馬定以春秋二季逐一騎試。次者作為

皇子乘馬。及充賞馬。再次者抵補馬數足。即交左右翼監督變價。

馬駝遺失處分。○康熙十六年奏准。馬駝羣於白日失去者。令巡察人賠補。不能賠者鞭一百。風雨雪電驚失。及昏夜失去者。亦著巡察人賠



補不能賠者鞭七十。該班牧長失馬者鞭八十。有品級牧長准折贖。如牧長不直班失馬者。牧副鞭八十。該班侍衛及游牧總管失馬駝四匹以下。皆免議。五匹以上。侍衛罰俸六月。總管罰俸三月。○又奏准。奉差官役所乘馬。因病倒斃者。於歲終奏銷。如調習不時。致殘疾及走失者。領馬人鞭一百。仍令賠補。○二十二年題准。馬駝羣有失去者。牧長免責。罰俸三月。○雍正十一年定。護軍校護軍失馬皆治罪。

交納馬駝皮。○康熙年間定。凡倒斃馬羸駝皮。

京師各廠用上駟院左司印送武備院。大凌河牧  
羣由總管交錦州城守尉咨上駟院轉送武備  
院。尚都達布遜諾爾達里岡愛由總管交張家  
口監督各轉送武備院。○雍正四年定張家口  
著每年交馬皮二千張馬駒皮千張駝皮百張。  
○五年定。

京師各廠交送馬駝皮每月終彙數行武備院數  
對。○乾隆三十一年定張家口每歲解交武備  
院馬皮二千張內分大馬皮一千二百張馬駒  
皮八百張。

廢馬芻菽。○順治年間定。各廢馬日給黑豆三  
束升。每升計倉升草三束。東七斤其需用草豆由  
會計司分令各莊交送。如有不敷。由會計司移  
戶部。由上駟院具領咨取。○又定。由外廢取至  
應差驚馬。每匹各日給羊草一束。公差乘內廢  
驚馬至。

南苑者。給羊草如之。其每歲需用草萬束。至三萬  
束不等。於冬季行奉宸苑給領。分交各廢收儲  
備用。每束給運價銀三釐。移戶部給領。○康熙  
十八年奉

旨。分交各廩黑豆。將黑豆倉米各給一季。○又定每年九月初一日。扣至次年八月三十日。各廩馬羸駝。應需豆米草數若干。通計數實。行會計司分給各廩。廩長每月三次。將有無增減馬駝數目呈報。每月由上駟院移會計司存案。歲終將增減馬駝並所餘草豆數目。彙數移會計司題銷。○二十三年奏准。

上乘御馬。各日給黑豆倉米三束升。草二束半。備班御馬。黑豆倉米二束升。草一束半。仗馬。草二束半。川馬。駕車馬。羸彙駝。各給草二束。豆米均與備。

班

御馬同。○二十八年奉

旨。秣馬豆米每升減一合。草每束減一斤。○三十四年奉

旨。仗馬豆米各減一半。○又奏准。川馬豆米各減三合。○四十五年奏准。各廩飼馬豆米每升各減一合。草每束各減一斤。○五十三年奏准。

上乘御馬內馬。各日給豆米四倉升五合。草十四斤。備班

御馬豆米三倉升二合四勺。草九斤。仗馬豆米二

倉升六合二勺。草十一斤。川馬。豆米二倉升五合。草八斤。駕馬。駕車。羸。橐駝各給豆米三倉升。草十一斤。若馬駝內有殘疾者。豆米草各減一半。○雍正元年奏准。駕車。羸。草各減二斤。○六年奏准。川馬。駕馬。駕車。羸。橐駝。停用倉米。照依倉米數目。折給黑豆。

御馬內馬仗馬。各減倉米之半。折給黑豆如之。○十年奏准。各莊所交各廩草豆外。其不數用之草。停其赴戶部領取。令該處各委直年官一人。同該廩官役。確訪時價採買。每千斤。除時價外。

給苫蓋堆垛銀四錢。其不敷用黑豆。會計司分給部豆。由上駟院領取。內廩每石給運價銀三分五釐。

南苑各廩。每石給運價銀六分。○十二年定。各廩分給部豆。如不敷用。交直年官照時價採買應用。銀由會計司覈實移廣儲司。由上駟院具領。令直年官領取。○乾隆十六年奏准。羊草運價停止於戶部領取。由廣儲司支給。○二十四年奏准。嗣後駕馬駕車廩。每日各減豆一倉升。增給麥麩四升餼養。○又奏准。京城各廩採買草

來交管廩官員採買七成堆儲。其三成銀兩存候夏季採買青草。餵養備差馬匹。節省銀兩。以備各廩雜費。其

南苑六廩。雖有現成青草。毋庸採買。其雜費亦不能減。應將六廩錢糧。交管廩官員等於應得成數內存留二成。以為廩中雜費。年終將用過細數咨行內務府。入於銷算摺內奏銷。○又奏准上駟院各廩需用黑豆。改由戶部支領。應需穀草。由廣儲司領銀。按時價採買。其各莊應交豆草。俱折銀交廣儲司還項有差。○三十五年定



嗣後餵養小馬。照驚馬分例。每日減豆一倉升。  
添餵麥楚四升。○又定。嗣後京城各廄應行採  
買草束。十成之內酌減二成。

南苑各廄應行採買草束。十成之內酌減一成半。  
○四十八年奏准。嗣後養馬。照

御馬分例。三分之一餵養。

大凌河芻菽。○順治年間定。大凌河驕馬。每羣  
歲給黑豆三百倉石。穀草三萬束。羊草七萬五  
千束。牝馬每羣歲給豆一百五十倉石。穀草一  
萬八千束。羊草六萬束。其草豆由上駟院行會

計司分令

盛京等處各莊撥給。○康熙五十一年定。驕馬每  
羣歲給豆九百十四倉石四斗。穀草三萬束。羊  
草七萬五千束。牝馬每羣歲給豆四百五十三  
倉石六斗。穀草一萬一千束。羊草六萬束。○雍  
正元年奏准。驕馬每羣歲增豆四百八十九倉  
石。羊草減千束。○十三年奏准。

南苑牝馬十羣。移大凌河牧養。每羣歲給豆五十  
倉石。穀草三千八十束。羊草一萬五千五百二  
十束。○乾隆五年定。牝馬每羣歲給豆一百石。

○六年奏准。大凌河將羣內孳生馬分設牝馬六羣。驕馬二羣。至冬季入莊餵養。不必增給黑豆。仍於從前增給各羣內黑豆動用。其不敷之草。稍為加增。

各廄麩。餼薪炭。○順治年間定。各廄秣馬需用之。餼。行戶每年交納二萬三千四百四十五斤。運送上駟院收儲。各廄長每月計應用餼數。呈堂領取。○又定。各廄所需餵馬麥。麩。行內管領。如不敷用。移戶部給領。夏季。

御馬川馬需用蘆葦。行奉宸苑給領。均於歲終彙

計用過數目。咨會計司折草豆煤炭。麩四倉石。  
折豆一倉石。煤三十一斤四兩。炭三斤二兩。葦  
每束。折穀草一束。○又定各廩炊煮豆米需用  
煤炭。黑豆三倉斗六升。用煤十一斤四兩。炭一  
斤二兩。米每三倉斗六升。用煤七斤八兩。炭十  
二兩。均於每年九月初一日。扣至次年八月三  
十日。彙計一年應用數目。行會計司折給秫糶。  
每林。稽十五斤。抵折煤七斤八兩。炭十二兩。陸  
續送交該廩。如不敷抵除。將其餘應用煤炭。由  
會計司轉移工部。由上駟院赴部支領。○康熙

五十九年奏准行戶年例應交之餼著停止每斤按時價折銀三分交廣儲司庫。○乾隆二年定舊儲上駟院之餼業經用完合計各廩一年需用餼二千七百斤咨廣儲司辦給。○七年奏准麥麩停止於戶部領取咨會計司於莊頭等應徵租糧折銀項內動支採買。

各廩雜支。○原定仗馬廩梭結鞦轡鞞五副。駕馬四廩官鞞各十副。駕車馬廩駕車鞞及車一輛。如不堪用應更換者鞞轡行武備院車行營造司各修理換給。騎試。

御馬及內監奉差各需用鞵轡。移武備院取用。用畢繳回。每廩升斗移會計司。秤標記新馬木牌。繫馬木。行營造司。木鏡。款帚。箕。弔筒。荆筐。木杠。葦席。大繩。細繩。均行掌關防內管領。各如數給領。木槽。水槽。鋤刀。鍋。閘柱等物。各有朽壞。移工部修理更換。各廩每日給燈油一斤。由會計司分令各莊交送。歲除。每廩各給爆竹。行營造司。蒼朮。行藥房。均各如數給領。○乾隆三十四年。奏准。每廩應用燈油秫稻。均由廣儲司領銀採買。令各莊折銀納還廣儲司。

公差口糧。竊按。○原定商都達布遜諾爾達里岡愛牧羣官役奉差來京。所乘馬日給羊草二束。回日途次草束。移戶部給票。按站領取。大凌河牧羣官役奉差來京。每人給口糧馬每匹給黑豆四倉升。穀草羊草各一束。均移戶部。炊米木柴二斤。煮豆木柴二斤。移工部。各如數給領。回日途次口糧草豆。移戶部給票。按站支領。治藥。○原定歲用胡椒硫黃白礬呈文紙。行廣儲司。藜蘆根。行藥房。藥師。行營造司。瓢羅韋席。掃帚羅圈柳木吊筒碾藥所用驢。均行掌關防。

內管領各如數給領。驢用畢繳回。其每年治馬四黃散藥物。於次年二月內奏銷。治癩藥物。呈上駟院覈銷。各廢及游牧羣。有用治癩藥及和藥油。並太僕寺所屬牧羣需用癩藥。均照咨給予。○乾隆元年奏准。配合治馬四黃散等藥物。移禮部領取。○二十七年奏准。上駟院每年醫治馬羣。應用藥料四百斤。今覈減一半。以二百斤為額。年終將用過數目覈銷。○三十三年奉旨。嗣後治馬藥味。即向藥房領用。○又奏准。上駟院調治癩馬。應用蘇油。向由官三倉領用。嗣後改由



廣儲司領銀。照依定准折價之例辦買。

京師典牧官役升轉。○順治年閒定。廢長牧長員缺。於廢副牧副內揀選。廢副牧副缺。於司轡散司轡領催廢丁牧丁內遴選。

南苑廢長員缺。於各廢長牧長內揀選。均由上駟院引。

見補授廢丁牧丁缺。咨會計司。將內務府佐領內管領下閒散人。咨送上駟院揀選拔補。各廢草夫等缺。於草夫本戶子弟內拔補。如本戶子弟不敷。咨會計司於原佐領下丁冊內人送上駟院

拔補百總等缺。於草夫內拔補。○雍正十年定廢長員缺。於廢副內揀選。引

見補授。○乾隆五年定駕車馬廄馬甲缺。咨都虞司於各內管領下馬甲內照數補送。○三十四年奏准。牧長廄長缺出。將上駟院筆帖式副牧長一體揀選帶領引

見補放。

游牧羣官役升補。○康熙年間定尚都達布遜諾爾掌關防總管員缺。於內務府官上駟院侍衛司官內揀選。由上駟院引

見補授。翼領員缺。該總管於蒙古筆帖式牧丁內揀  
選保送。由上駟院引。

見補授。蒙古筆帖式員缺。於該處牧丁內拔補。牧長  
員缺。於該處牧副內拔補。牧副缺。於該處牧丁  
內拔補。牧丁缺。於該處牧羣人等子弟內拔補。  
均由該總管挑選。效力筆帖式缺。於廢丁牧丁  
內揀補。三年期滿。該總管保送。由上駟院咨內  
務府。以筆帖式補用。○三十七年定。大凌河總  
管及筆帖式牧長牧副缺。均照商都達布遜諾  
爾例辦理。牧丁缺。於義州錦州廣甯等處馬甲。

及閒散人內由該總管拔補。○三十九年定達里岡愛翼領筆帖式牧長牧副牧丁升補之例。與商都達布遜諾爾同。○四十一年定商都達布遜諾爾蒙古副管員缺於該處翼領內揀選由該總管送上駟院引

見補授。○四十五年定商都達布遜諾爾達里岡愛翼領員缺於署翼領內由該總管揀選送上駟院引

見補授署翼領員缺於蒙古筆帖式牧長內由該總管揀補。○雍正五年定大凌河翼領員缺於廢

長牧長內由該總管揀補。○十三年定大凌河  
牧長於副牧長內揀選。副牧長於牧副內揀選。  
牧副於署牧副內揀選。由該總管送上駟院引  
見補授。署牧副於該處牧丁內揀選。○乾隆元年奏  
准。大凌河效力筆帖式。照商都達布遜諾爾例。  
年滿保送補用。○又奏准。大凌河翼領。定為行  
走六年期滿。換回咨該處對品題補。○八年奏  
准。大凌河等處翼領員缺。照商都達布遜諾爾  
例。於該處牧長內揀選。引

見補授。不准戴藍翎。○十年奏准。達里岡愛效力筆

帖式。向來原於廢丁內揀選效力行走嗣後候補人員內有願往效力者。定以年半期滿更換來京補用。此等效力之人。如食錢糧者。仍給原食錢糧。未食錢糧者。無論內管領佐領下人均准暫補該處廢丁額缺。食錢糧效力年滿之日。照例分別補用。補用之日。准其將效力年分一併計算。○三十一年奏准。裁汰商都達布遜諾爾達里岡愛二處效力筆帖式五員。揀選上駟院及太僕寺主事各一員。筆帖式各一員。咨送該處直年。俟五年期滿。該總管保奏以應升之

處錄用。○五十二年奏准。牧羣直年年滿筆帖式。仍令回張家口。俟該處主事年滿時。照例以內務府員外郎升用。其所遺主事之缺。即將年滿之筆帖式補授。上駟院另奏派筆帖式一員。前往直年。俟五年期滿。該處保奏帶領引。

見仍照例主事。以內務府員外郎升用。筆帖式以該處主事升用。○嘉慶九年議准。牧羣年滿主事。保送帶領引。

見後。以一員歸入內務府衙門公缺。員外郎升用。以一員歸上駟院題缺升用。如此分別。庶免積壓。

壅滯。其直年年滿筆帖式。仍照例升補該處主事。遺缺於筆帖式內遴選。歷俸三年以上者。奏派前往。○同治二年

諭。嗣後牧羣升途。以該羣孳生之馬數較多。兼能臆壯者。以次揀補。如有馬匹疲瘠等弊。即將該翼領等嚴行叅處。牧長以下等官。即於查驗馬匹之時。分別責懲。叅革。其錦州牧羣衙門六品翼領。向與副都統聯銜畫稿。非惟與體制不合。更易啟把持擅權之弊。嗣後錦州牧羣衙門。著比照錦州管莊衙門。遇有辦理文稿事件。文內僅敘該翼領案呈。不准聯銜畫稿。以



示區別而杜僭妄。

防牧官兵升補。○乾隆元年奏准。各游牧羣防禦員缺。於驍騎校護軍校內揀選。驍騎校護軍校員缺。於馬甲領催內揀選。均由該總管送上

駟院引

見補授護軍由總管於牧丁內拔補。如該羣牧長缺。即於護軍校兼充。牧丁缺。即令護軍兼充。

俸餉公費。○原定上駟院官應得俸薪及廩副牧副。廢丁。牧丁。司轡。領催。各醫人等應得餉銀。係旗人移該旗內務府人移內務府漢人移戶

部分別支領。其司鞏司轡內行走之額魯特。每歲冬季來京當差。至次年春遣回。內有兼侍衛者。於當差日。月給公費與侍衛同。游牧羣各總管。應得俸糈。係旗人由該旗內務府人由內務府領給。蒙古副管每季俸銀五十二兩五錢。翼領防禦每季四十兩。驍騎校護軍校每季各三十兩。署翼領牧長護軍領催月給餉銀各二兩。牧副一兩五錢。牧丁一兩。蒙古筆帖式如之。由護軍拔補之牧丁與牧長同。尚都達布遜諾爾每歲春秋二季達里岡愛每歲春季由該總管

具冊送上駟院。移戶部頒給。大凌河每歲春秋  
二季。由該總管移。

盛京戶部給領。○乾隆三十年奏准。尚都達布遜  
諾爾等處牧羣官兵俸餉。停止赴戶部支領。改  
歸口北道衙門就近關支。○三十一年奏准。直  
隸庫存不敷。牧羣官兵俸餉。仍由戶部支領。俟  
庫儲充裕。再於司庫撥支。○四十七年奏准。嗣  
後尚都達布遜諾爾達里岡愛二處牧羣官兵  
應領俸餉銀兩。照太僕寺所奏之例。裝儲木鞘  
載回。

草夫地糧。○原定石榴莊草夫一百四十名。內百總一人。牌坊莊草夫四十二名。內百總一人。大壩草夫一百三十六名。內百總一人。外郎四人。東壩草夫一百四十五名。內百總一人。外郎四人。楊家莊草夫六十三名。內百總一人。外郎二人。通州草夫二十八名。內百總外郎各一人。各給地三十畝。月給銀五錢。米一斛。其銀米於內務府三旗各佐領內管領下支給。○康熙三十九年奏准。石榴牌坊各莊草夫。每名月增給銀五錢。米一斛。○雍正五年奏准。發遣甕山馬

廢鋤草內監。每名日給老米一倉升。木柴一斤。每月米移戶部。柴移營造司支給。○乾隆二年奏准。大壩東壩楊家莊通州草夫。每名月增給銀五錢。

游牧羣典牧官田廬。○康熙三十八年奏准。大凌河牧羣所設總管副管筆帖式。均照各省駐防例。給予房屋地畝。房屋移工部。地畝移戶部。各照例撥給。○又定。初給地畝。未經收穫以前。給一年口糧。並遷移家眷。途次每日應用口糧。草豆。移戶部給票。按站支給。其所用車及出關。

路引。移兵部給發。○乾隆八年奏准。大凌河牧  
羣翼領。既由該處牧長內選補。給六品俸糈。給  
官房居住。從前所得官地。交該地方官。應得一  
年口糧草豆。悉行裁汰。

拴養馬匹。○乾隆三十四年奏准。三旗披甲人  
等。拴養官馬九十九匹內。裁減三十三匹。其餘  
六十六匹內。撥三十三匹。賞給堂上筆帖式等  
拴養。五十年奏准。上駟院侍衛各給馬二匹。  
拜唐阿擇其當差勤慎者。各給馬一匹。令其拴  
養。每匹每月應得馬乾銀三兩。行戶部支領。

